

مجموعه سنون

از

جمعیت علمیه عثمانیه

ایکین پنه

نومرو ۱۸

نجدی الآخر

استانبول

جمعیت علمیه عثمانیه مطبعه سنده طبع اولنشد

۱۲۸۰

(تاریخ حکمای یونان) (مابعد)

سولون

سولون اکثریادوستلرینه یتش یا شنه وارمش برادم ارتق
اولومدن قورقاملی و مساق زندکانیدن شکایت ایتاملیدر . مقربین
ملوک صایب صایق ایچون او یونده استعمال اولنور پوللره مشابه
اولوب قدر و اعتبارلری حکمدارلرک اغراض نفسانیلرینه
منوطدر . او مقوله مقربین دائماً حکمدارلری کیدولرینه خوش کله جک
شیلره تشویق ایتیب حقیقته فائده لو اولان شیلره ترغیب
ایتلیدرلر . اتباع ایتک اوزره عقلزدن اعلا مرشد اولمدیغدن
اکا مراجعت ایتکسزین هیچ بر قول و فعله تصدی ایتاملیر .
برادمک یمیندن زیاده صفت و استقامته اعتماد اولنمیدر . هر
کوریشلان ادم در عقب دوست اتخاذ اولناملیدر چونکه بر کره
عقد الفت اولندقدده انقطاعی مخاطره دن خالی دکدر . حقارتک
دفعته مدار اوله جق و سائنطک اسرع واقواسی انی اونوتقدر .
انسان اطاعتی او کر نکسزین حکومت تصدی ایتاملیدر . هر کس
عندنده بالان (مثلا یلان کبی) منفور اولمیدر . انسان مولا سنه

عبادت و والدینه حرمت و اشرار ایله اختلاطدن مجانبت ایقلیدر
دیرایدی .

سولون پیر یسترانک آتنده کلی طرفدار پیدا ایتک وزمام حکومتی
ید استقلالته المتی ایچون هر درلو تدایره تشبث ایلدیکنی حس ایدرک
اشبونیتک قوه دن فعله کلهامسنه صرفی مقدرت ایلدی . بتون
اهالی بی بر میدانه جمع و کندوسی مسلحا اورایه عزیمتله پیر یسترانک
تشبثاتی جله یه اعلان و شوصرده کلامه اغاز ایله ای آتندلولر
بن پیر یسترانک نیات فاسده سندن بیخبر اولنلردن زیاده عاقل
ومومی الیهک شو نیاتنه مطلع اولوده خوف و یاخود عدم جسامتلرندن
ناشی مخالفته قیام ایده میانلردن زیاده جسورم . جله کره پیشرو
اوله رق محافظه سربستی ایچون محاربه یه حاضر و آماده میدیدی .
شونصایحک بر تأثیری اولمقدن بشقه پیر یسترانک طرفداری
اولنلر سولونه دیوانه نظریله باقدیلر . پیر یسترات بر قاج کون صکره
کندو کندونی جرح ایدرک خون الود اولدیغی حالده بر عربیه ره را کبا
مجمع ناس اولان بر میدانه عزیمت و اوراده عموم خلقه خطاباً کویا
دشمنلری اخانت طریقله اوزرینه کله رک کندوسنی شو حال
پر ملاله القا ایلدک لرینی اعلان ایلکله اهالی بوندن زیاده متأثر
اولدق کروه مخالفیندن اخذ انتقامه قیام ایلدیلر . سولون
شو حال کورد کده پیر یستراته خطاباً ای ابن ایوقراس سن
وقتیله اولبسک اتخاذا ایلدیکی مسلکه فنا تقلید اید یورسن . اولبس
دشمنینی اغفال ایچون اثر جراحت کوسترمشیدی . سن ایسه
کندو همشهر یلریکی الداتمی ایچون کندوکی جرح ایتدک دیدی .
هر نه ایسه اهالی پیر یسترانک باشنده تجمع ایتدکده مومی الیه کدو

محافظه سیچون اها لیدن الی مستحفظ طلب ایلدی . سولون بومقوله
محدث تدایرک تسایح وخیمه یی مؤدی اوله جغنی بیان ایلدی ایسه ده
اهالی زیاده حال تهورده بولندیغندن سولونک قولنه احاله سمع اعتبار
ایتموب پیر یستراته درتوز مستحفظ تعیین اولمسنه وقلعه نك ضبط یچون
مناسب مقدار عسکر تحریر ایلسنه رخصت ویردیلر . وجوه مملکت شو
حالدن دوچار حیرت اوله رق هر بری بر طرفه صار شق استدیلر ایسه ده
سولون ینه غیرتی الدن براقیدرق اها لیی بو باده اسناد حاقت
وجباتله تعییب ایتدکن صکره شو تغلب حصولنک منعی سزجه
امر آسان ایدی . فقط شمدی تأسس ایتش اولدیغندن کایا قع
وازاله سی سزجه دها زیاده موجب افتخار در دیدی . انجق اشبو
افادات و اخطاراتنک اصلا تأثیری اولدیغنی کوردکده طوغری
خانه سنه کیدرک سلا حربی البوب سناتونک قیوسی پیشگاهنه وضع
وشو وجهله خطابته ابتدار ایلدی . ای وطن عزیز المدن کلدیکی قدر
قولاً و فعلاً سکامعاونت ایلدم . جناب حق شاهد در که مملکتک
قوانین و سر بستنی محافظده قطعاً تجویز قصور ایلدم . ای
وطن عزیز اشته ارتق بن کیدیورم و بر دها عودت ایتماک اوزره سنی
ترک ایدیورم چونکه نه چاره جباریه بندن بشقه اظهار خصومت ایدن
یوقدر . عموم خلق انلرک زیر قهر و تغلبنه کیرمکه مائل و راغبدرلر .
سولون هیچ بروقتده پیر یستراتک اطاعتنی قبول ایتدی و کندوسی
وضع ایدوب اتنه لولرک دائماً دستور العمل طوتمسنه عین ایتش
اولدقلری قوانینک تغیرینه کندوسنی مجبور ایتلرندن خوف
ایلدیکی جهته آتنده اقامتله معذب اولقدن ایسه بالا اختیار ترک
وطن ایدرک ممالک سیروسیا حتی ترجیح ایلدی . اورادن مصره

عزیمتله اولوقت خطه مشکوره ملکی اولان اما سبسک دائره سنده
برازوقت اقامت ایلدی. پیر یستراک سولون حقنده زیاده وثوق
و حرمتی اولدیغندن ترك دیار ایلستندن زیاده متأسف اوله رقعودتی
رجا ضمنده کندوسنه زیاده مسطور نامه نواز شعلا مهی تحریر
وارسال ایلدی.

” یونانیلر ایچنده مملکتز حکومتی ضبطایدن بالکز بن دکلم. قودروس
نسلسدن اولدیغمدن واتهلور مسند حکومتی انک خاندانه حصر
ایلمکله قسم ایلمش اولدقلرندن زمام اداره یی قبضه تصرفه
المقلغم ایله قوانین واراده الهیهیه مغایر بر حرکت ارتکاب ایتمدم.
مملکت جمهور طرفندن اداره اولدیغی وقتدن زیاده سزک قوانین
موضوعه کرک تمامی اجرا سنه تقید واعتنا ایتمکدهیم. مقدمدن
موضوع اولان تکالیف ایله اکتفا ایدوب مقاممه عائد بعض
مراسم تعظیمیدن بشقه ادائی افراد اهالیدن زیاده مایه امتیاز
اوله حق بر شینه مالک دکلم. بنم نیامی افشا ایلدیگکزدن طولایی
سزه قطعاً خصومت یوقدر. حقمنده وقوعبولان حرکاتکر بکا
عداوتکرذن ناشی اولیوب بلکه مجرد داعیه حب وطن سزی بوکا
الجا ایتمش اولدیغی مجزومدر. شو مخالفتمکرذخی بنم نوجهله حرکت
ایده حکمی بیلدیگکزدن نشأت ایدوب فالاً احتمالکله تشبثات واقعه می
تبیح ایتمز دیگر. ایمدی قوله اعتماد ومطمئنأ عودت ایدیگکز که سزک کبی
بر فیلسوف کامل بنم کبی ادمدن قورقاملیدر چونکه اوتله دنبرو بکا
دشمنک ایدنله بیله فالق ایتمک استمد. کلدیگکز صورتده بنم اعتقاده
کوره سزدن هیچرکونه خیانت ظهوری ناقابل اولدیغسندن
سزی اعز احباب اتحاد و نزدیده هر درلوا سباب رفاه ومحظوظینکری

اکمال ایدرم . انده به عودتکزه مانع دیگر بعضی اسباب موجود اولدیغی
حالده استدیگکز محلده اقامت ایدیگز . اختیار غربت ایتمکزه سبب بن
اولیه عیده راضی یم .

سولونک مکتوب مذکوره یازدیغی جوابنامه سیدر .
"بکاهیچ فتالی ایتمه جککزی ابوییلورم چونکه سز طریق تغلبه
سلوک ایتمزدن اول سزک دوستلریکردن ایدم ومظالمدن نفرت
ایدن اشخاص سائره دن زیاده نزد کرده مبعوض اولمالیم . برقاچ
مشرعک رائیله اداره اولمقدن ایسه برحاکم مطلقک تحت حکومتده
بولمقی انده لور حقنده دهاخیرلوا ایسه هرکس کندوافکارینه ذاهب
اولمقده صاحب اختیاردر . سز ظلمه نک الکاهونی اولدیغکزی
اعتراف ایدرم مع مافیه انده به عودت ایتمالمیم ظن ایدرم زیرا اوراده
برسر بست حکومت تأسیس وبکاتکلیف اولنان حکومتی ردایتدکدن
صکره اولطرفه عودتم تقدیرجه خلقک بکاطعن وتعیض ایلمرینه
وسزک تشبیهاتکزی بحسین ایلدیگمه ذاهب اولمرینه حققلری اولور ."
سولون ایماندیسه دخی زبرده محرر مکتوبی یازمشدر .

"بنم وضع ایلدیگم قوانینک مملکت حقنده بیوک فائده سی کورلماش
دینلور ایسه انلرک الفاسیله دخی مملکجه فواید کلیه استیجلا ب
اولته مامشدر . شرابع وقوانین وضع ایدنلر مملکت حقنده برحسن
خدمت ایده میوب انجق دخواهلری وجهله اجرای حکومت ایدن
حکمدارلر حسن نیت اوزره اولدقلری حالده انلرک ایشته برارلر .
بنم قوانینمک بالفرض هیچ فائده سی کورلماش ایسه انی فسخ ایدنلر
پیر یسترانک زمام حکومتی یدتغلبه المسنه ممانعت ایتمدک اساس
جمهوریتی تخریب ایتدیلر . باشلرینه کله جکی وقتیه بن انده لوره

خبر ویرم شدیم بکا اعتماد ایتدیلر و بن حقی - و یادیکنم حالده کندولرینه مداعنه ایدن پیر یستراندن دهاز یاده صداقت مأمول ایتدیلر - وقوعبولان - صائبك دفعی مقصدیله اهلای به پیشرو اولقلخی تکلیف ایلدم ایپکادیوانه نظریله باقدیلر و پیر یسترانه مستحقظلر تعیین ایدوب اودخی بونلری شهر ی تحت اسارتنه المقده استخدام ایلدی - بونک اوزرینه بنده ترك وطن اختیار ایلدم -

لیدیاس حکمداری قریزوس اسیاده واقع یونان ممالکنی کاملاً خراجکذار ایتدکده اول عصرک اصحاب علم و کالندن پک چوق ذوات اسباب مختلفه به مبنی یونانستان ی ترك ایله قریزوسک پایتختی اولان ساردس شهرینه هجرت ایتدیلر - اشبو شهر اولزمان غایت معمور و مشهور ایدی - مهاجر بن موی الیهم اوراده سولونک مدح و ثناسنده اطرا ایتلریله حکمدار مشارایه سولونک ملاقاتنه رغبت و پای تخته توطن ایتمک اوزره نزدینه دعوت ایلدی - سولون بوکا جواباً زیرده مسطور مکتوبی تحریر ایلشدر -

” حقمده اظهار ایلدیکنز و دوولا نزدنده فوق الغایه رهین عزت و اعتباردر - جناب حق شاهد درکه اگر چوقدنبرو بر سر بست مملکتده اقامته عزیمت ایتماش اولسیدیم پیر یسترانک اتنده اجرای مظالم ایلدیکی ائنده اوراده اوتورمقدن ایسه سزک مملکتکرده اقامتی ترجیح ایدردم - فقط مألوف اولدیغ طرز تعبدیه اقتضا سجد هر کسک مساوات اوزره بولندیغی بر مملکتده دهراحت ایدرم - مع مافیه نزدکرده بر از وقت اقامتله کسب محفوظیت ایتمک اوزره زیارتکره کله حکم “

قریزسک اولوجهله وقوعبولان رجا و ابرامنه مبنی سولون ساردسه عزیمت

ایلدی . لیدیاس مملکتدن حین مرورنده جابجا عظیم دارات و احشام
اصحابی برحق ذواته تصادف ایدب بونلرک هریرینی کوردکجه
حکمدارک کندوسی ظن ایدرایدی . نهانت قریزوس تخت اوزرنده جالس
وخاصه الک نفیس البسه سنی لابس اوله رق قدومنه منتظر بولندی
حالده سولون حضورینه داخل اولدی . بودرجه زینت و احشام
مشاهده سندن اصلا صورت تعجب اظهار ایتدیکندن
حکمدار مشارالیه سولونه توجیه خطاب ایله ای مهمان عزیز
بن سنک عقل و حکمتجه اولان شهرتکی ایشیدرم وحق سیر
وسیاحت ایلدیکیکی ییلورم فقط هیچ بنم قدر زر و زیوره مستغرق
ادم کوردکی دیو صورت تفاخر کوسه تر دکده خروس
وطا و سک قیافتلری ده انافس و اعلا در چونکه بونلر کندو
شخصلرینی تزیین ایچون اختیار تکلف ایتوب اسباب احشاملری
مقتضای خلقتلریدر دیدی . اشو جواب غیراً مولدن قریزوس
زیاده متعجب اولوب بالمله خزاننک کساد اولمنسی و سراینده
بولنان هر درلو ذی قیمت اشیانک سولونه ارائه قلمنسی خدمه سنه
امر ایلدکن صکره سولونی تکرار حضورینه جلب ایله
هیچ بنم قدر بختیار ادم کوردکی دیدکده اوت کوردم بودخی آتیه
اها لبسندن طیلسدرکه بر منتظم جمهور تحت اداره سنده عرض
و ناموسیه عمر کورم شد در . وایکی تربیدی چو جق ایله بونلرک
تعیشلر ایچون بر مقدار مناسب اموال ترک ایلش و سلاح بدست اولدینی
حالده وطنی اغورنده فدای جان ایتک شرفنه نائل اولمشدر .
اتنه لول مومی الیه ایچون وفات ایلدیکی محلسده بر مزار بنا
و حفته هر درلو مر اسم توقیر و احترامی اجرا ایتشدر دیدی .

قریزوس شو جوابدن دخی اولکی قدر متعجب اوله رق ارتق سولونک
 بلاهتنه ذاهب اولدی و پک ایو طیل اسدن صکره الک بختیار ادم کیدر
 دیدکده سولون جوابه ابتدار ایدرک و قتيله قلو بس و بیتون اسمنده
 ایکی برادر وار ایدی بونلر غایت شجیع وتوا نا اولدیغندن حرب و ضربده
 دائماً خصم لرینه غالب کلورلر و بری برینی زیاده سورلر ایدی . یونون
 عباد تخانه سی راهبه لرندن اولان والده لرینک برکون معبد مذکوره
 قربان ککو تورمسی لازم کلوب سوار اولدیغنی عربه نک صغرلری
 و قتيله یتشد یریه مامش اولدیغندن هر قوم برادر لر عربه یی چکه رک
 معبدده قدر کوتور دیلر و خلق بونلرک شو حرکتی تحسین ايله دعا و ثنا
 ایتدیلر . والده لر ایسه سرمست سرور اوله رق حق لرنده الک
 خیرلوسنک احسان بیورلمسی درگاه الهیدن نیاز ایلدی . قربان
 رسمی اجرا و طعام تناول اولندقدن صکره هر قوملر او یقویه یاتوب
 اولکجه ایکبسی دخی وفات ایتدیلر دیدی . قریزوس ارتق بونک
 اوزرینه اظهار انفعالدن کیر و طوره میدرق او یله ایسه سن بنی
 بختیاران عدادینه ادخل ایتمیورسن دیمکده سولون جوابنده
 ايله ای لید یاس حکمداری واقعا پک چوق ثروت و سامانه مالکسن
 و برخیلی طائفه لرک حکمدار صاحب اقتدار یسن فقط مدت حیات
 پک چوق تغیراته مظهر اولدیغندن هنوز سرمزل زندگانی یه واصل
 اولمامش برادرمک سعادت حائله حکم اولنه مز و دور زمان هران
 خاطر و خیاله کلیمز حوادث تولید ایتدیکندن محاربه ختام بولمده
 قوز و ظفر میسر اولدیغنه امنیت و اعتماد اولماملیدر دیدی . قریزوس
 شو جوابدن زیاده منفعل اوله رق سولونی حضو زدن اخراج
 ایدوب بردها ملاقاتنه رغبت ککو سترمدی .

ایزوپ قریزوسی اکلندیرمک ایچون ساردسه جلب اولنوب اول
 ائاده اوراده بولندیغندن حکمدار مشارالیهک سولون کبی
 بر ذات عالیقدر حقنده وقوعبولان سؤ قبولندن طولای مستأسف
 اولهرق ای سولون یا حکمدارلک یانه هیچ اوغراما ملیدر یاخود
 خوشلرینه کیده جک سوزدن یشقه کندولرینه برشی سولاملیدر
 دیمکله سولون جوابنده بالعکس حکمدارلک یانه اوغراماملیدر
 ویاخود ممکن اوله بیلدیکی قدر نصیحت ایتلی و نفس الامر دن
 یشقه کندولرینه برشی سولاملیدر دیدی .

اول ائاده ایران شاهی بولتان سیروس والدہ سنک پدری اولان
 استیازی حبس و کافه ممالکنی ضبط ایتشیدی . قریزوس
 بوندن منفعل اولهرق استیازی تصاحب ایله ایران اولر علیهنه
 اعلان حرب ایلدی . مشارالیه فوق انغایه ثروت و سامانه مالک
 و اول وقت مال سائرہ دن زیادہ شجیع وجسور بر ملتک حکمداری
 بولندیغی جهتله کندوسنجہ متمتع الحصول هیچ برشی یوقدر
 افکارینه ذاہب اولمشیدی فقط حین محاربه ده مغلوب و منہزم
 اولهرق مذکور ساردس شہرینه رجعت واوراده محاصره
 اولنوب اون درت کون مدافعه ایتدکدن صکرہ دوچار اسارت
 اولهرق و سیروسک حضورینه کتوریلہ رک دست وپایندہ زنجیرلر
 اوردی و درحال بر او طون یغٹک اوزرینه چیقار بلوب سیروسک
 و اتباع و عوانتک حضورنده اتشہ یاقلمق اوزره لیدیا س اہالہستدن
 اون درت چوجغٹک اورتہ سنہ ربط اولسندی . مذکور او طون
 یغٹہ اتش ویرمک اوزره ایکن قریزوس شو حال یاس اشتالده
 و قتیلہ سولون کندوسنہ سولدیکی سوزلری تحظر ایله برآہ

جانسون چکدرک صوت بلند ایله سولون لفظنی تذکار و بونی بر قاج
 کره تکرار ایلدی . شـ و حال سیروسک موجب استغرابی
 اوله برق عجبا بولفظ حال مضایقه و اضطرابده استغائه اولتور
 بره عبودا سمیدردیو سوال کیفیت ایچون یانته ادم ارسال
 ایلدی قز یروس اول امرده جواب ویرمکدن امتناع ایتمش
 ایسهده تضییق و اجبار اولندقدده کمال حزن و تأسفه آه بولفظ
 بر ذاتک اسیدرکه حکمدار لر انی هیچ بروقت یانلرنندن آیرما ملیدر لر
 و مصاحبنی هر درلو خرائن و امـ و والدن زیاده معتبر طوقملیدر لر
 دیدی : بر ازدها تضییق اولندقدده بو بر حکیم یونانیسدرکه کمال
 سعادت و اقبالملی کند و سینه ارانه ایتک اوزره خاصه نزد مد جلب
 ایتمشیدم اسباب احشامه نکه انداز رغبت اولمیدر برق بونلر تضاخر
 باطلیدر : انسان عاقبت حاله نظر ایقلیدرونی حساب مصائب و اکداره
 مظهر اولان سعادت و اقباله استناد اولما ملیدر و ادیسندده
 سوزلر سولیشیدی . اشته کلمات مذکوره سنک جلّه حقیقت
 حاله موافق اولدیغنی شمعدی اکلام دیدی . قز یروس بونلری
 نقل و حکایه ایلدیکی ائشاده اوطون یغننک اشاغی طرفی
 یانوب آتش یوقازو صارمغه باشلامش ایدی . سیروس قز یروسک
 اشبو کلماتندن زیاده متأثر اولدی و وقتیه اولدرجه صاحب
 شوکت و اقتدار بولنان بر حکمدارک حال پرملالی کند و سینه
 موجب عبرت و انبشاه اوله برق ایلروده کند و سینی دخی بو مثالو
 بر مصیبت و ادباره دوچار اولمقدن خوف ایلدیکنندن در حال آتشک
 اطفاسنی امر ایلدی و قز یروسک مقید اولدیغنی زنجیرلری رفع ایتد بردی

نکته اولدی که لایق نیست که اینها را به یونانیان نسبت داد

و حقیقه هر درلومرسم احترامیه بی ایضا ایدوب مهام آموزده
نصایحندن استفاده ایدرایدی .

سولون قریزوسدن مفارقتنده سیلپسی مملکتنه چکیلوب اوراده
کند و اسمنه نسبتله سولون اسمنده بر شهر بنا ایلدی . پیریمترانک ارتکاب
مظالمده اصرار ایتدیکی و استیلاسنه وقتیه ممانعت ایتدکلرندن
طولای ایتدلول اظهارندامت ایتدیکی اوراده کندوسنه خبرورلمکله
ایتدلوله خطاباً زبرده مسطور مکتوبی تحریر ایلشد .

” شو حالکری قهر الهی یه اسناد ایتکز محض خطادر . اگر الیوم
مضایفه واضطراریده ایسه کز بومجرد سزک خفت و جشکرک و وطن
حقنده حسن نیت اصحابنک سوزینه اعتماد ایتدیگکرک و مجرد سزی
اغفال چالشان برادمنک مواعید کاذبه سنه الدانمکرک ثمره سیدر .
کندوسنه مستحفظ عسکر تحریرینه رخصت و یردیگر که
بوعسکرله سزی الی اخر العمر حال اسارتده طوتسون .“

یونانستان داخلنده واقع قورنثا مملکتی تغلبی بولسان بریاند
صورت احوالی سولونه تحریر ایدرک نصیحت طلب ایتکله سولون
کندوسنه زبرده مندرج جوابنامه بی یازم شد .

” واقع اولان اشعاریکزه کوره برچوق کسان خفیاً علیه کزده عقد اتفاق
ایتمک صد دنده درلر کافه سنی قتل ایدرک خصما کرک سو قصدندن
خلاص اولسه کز بیله یینه امین اوله مز سکر . هیچ مأمول
ایتمدیگکر ادملر یعنی کسند و جانندن خوف ایدن و یاخود سزک
اعتنسنر لککری بکیمیان و یاخود وطننه بر حسن خدمت ایتک افکارینه
ذاهب اولنر سزی بردام بلایه دوشمزلر سزجه اتحاد اولنده حق مسالک
اسلم و احسنی طریق تغلبی بالکلیه ترک ایتکدر . بوکاه قدر اوله مدیفکر

تقدیر چه مملکتی کرکی کبی تحت ضابطه یداله رق بر طرفدن قورقو کن
قالماق و کیسه یی نفی ایلکه مجبور اولماق ایچون ممالک اجنبیه دن
مقدار وافی عسکر جلب ایدیکن .

بعده سولون قبریس جزیره سنه عزیمتله او پی شهری حکمداری بولنان
فیلسو سپر ایله عقد مودت ایلدی . شهر مذکور غایت غیر مثبت
بر محله واقعه اولدیغندن بونک دیگر بر مناسبت موقعه انشاستی
حکمدار مشار الیه نصیحت ایلدی . وغایت مثبت و لطیف بر اوه
انتخاب و کندوسنک ترتیب و تدبیر یله بوکا تشبث اولنه رق
حسن حصولی مبسر اولدی . فیلسو سپر بویاده تشکرا شهر جدید
مذکور ی سولونه نسبتله سولس تسیمه ایلدی .

سولون مدت حیاتنده نعم ولذا ئذ دنیو بددن اعراض ایتمه بوب
اطعمه نفیسه و موسیقی و سائر حظوظات نفسانیددن حظ
ایدر ایدی . هیچ اصل و اساسی اولمیه رق تصور و ترتیب اولمش
او یونلردن زیاده سیله نفرت ایدوب بوندن جمهور حقنده مضرت کلور
و فتن و فساد تولد ایده ییلور اعتقادنده ایدی . اتشه ده زیاده
صاحب نفوذ و اعتبار بولندیغی ائنده تسپس نام مؤلف ترتیب
ایتدیکی تراجدیاری کندوسی او ینامغه باشلا دقده اشبو او یونلر
یکی بر شی اولمق حسبیه فوق الغایه محظوظیت عامه یی
موجب اولوردی . سولون دخی اکتبجه یی سودیکی جهتله بر دفعه
اشبو او یونده حاضر بولندیغندن تمام اولدقده مؤلف موسمی الیه یی
نزدینه چاغروب بو قدر خلغک حضورنده کذب ارتکا بندن
اوتانمز مېسکن دیدکده تسپس بو محرم لطیفه دن عبارت اولدیغندن
بونده هیچ بر باس یوقدر دیدی . سولون ائنده بولنان عصایی یزه

اوره رقی اوت اوله در فقط بو مقوله یالا نلر اظیفه عدیله تحسین
اولدیغی حالده چوق یکجکسزین یوزلر مصالح جمهور و سایر مهم
امورده استعمال اولنوردیدی . پیر یسرات خون الود اولدیغی حالده
کندوسی جمع ناسه نقل ایتدیرد کده سولون اشته شوحیله کارلقلرک
منشائی شو ملاعب خیشه در دیو باغر مشیدی .
اننده هر درلو مأمور یترلرده استخدام اولمش نواتدن مرکب اولق
اوزره آر ئو یاز استنده بر مجلس اولدیغندن بونک احدائی بعض
مؤرخین سولونه اسناد ایتشلردر . بر کون سولونه قنغی
مملکت حقنده کسب کمال انتظام ایتش دینله ییلور دیو سئوال اولمغله
اهالیسی بروجمله دوچار ظم و غدر اولمهرق بشقه لری حقنده دخی
برکونه تعدی وقوعنده کویا بوکا کندولری دوچار اولمش کی
استحصال اسباب اندفاعنه سعی و اقدام اولنور مملکت دریدی .
سولون او اخر عمرنده بحر محیط غریبه واقع اولوب کندوسی
مصرده ایکن استخبار ایتش اولدیغی بر جزیره احوالنه دایر
بر منظومه اشادینه ابتدار ایش ایشده اتمامندن مقدم قبریسه
بولادیغی ائنده اتوز بشخی اولمپساده و تقریباسکسان یاشنده
اولدیغی حالده وفات ایتشدر . کیکلرینک سالامینه نقل و حرق
اولمهرق کولنی صحرالک هر طرفند اتمسنی وصیت ایلدی . وفاتندن
صکریه اتنه لور سولونک ابقای نامیچون وضع ایتدیکی قوانین کتابی
انده و حکمدار قیافتده اولدیغی حالده تونجندن بر تصویرینی
اعمال ایتدیلر و سالامین اهالیسی دخی عامه یه توجیه خطاب ایتدیکی
واللری قفتسانک ایچنده مستور اولدیغی حالده دیگر بر تصویرینی
اعمال و اقامه ایلدیلر .

سولون جاهل کند و سندن برخطاطه ورزیده بشقه سند اسناد ایله
انی نم ایدر و طالب ادب اولان کسسه برخطاطه ارتکاب ایتد کده
نفسنی تقبیح ایدوب انسان کامل ایسه ایلله برخالده نه نفسنی ونه نه
بشقه سنی نم ایدر دیر ایدی . سولونه سنی کیمدر دیوسئوال اولند قدده
کند و مالیه سخاوت و بشقه سنک مانندن نفسنی صیانت ایدندر دیدی .
صیبانده خوف و حیا دن قنغیسی ممد و حدر دیوسئوال اولند قدده
حیا ممد و حدر چونکه حیا عقله و خوف جبانته دلالت ایدر دیدی .
اوغلنه خطا بأ مزاحی ترک ایت اغبراری مستو جبردر دیدی .
بر دفعه بر ادم کند و سسنه شتم ایتد کده تحمل ایدوب مقابله ایتدی .
یونک سببی کند و سندن سئوال اولند قدده برخاربه یه کیر شتم
استم که انده غالب طرفینک ارنلی اوله دیدی . آت نه ایلله سز اولور
دیوسئوال اولند قدده صاحبینک کوز یله دیدی .
(منیف)

(صر پستان تاریخ و جغرافیائی) (مابعد)

باشای مشارالیه یکریمی بشیک قدر عسکرا یله صرپ حدودینه قدر
کیدوب ایچنه کیرمک استمش ایسه ده ممکن اوله مدقدن بشقه نیشه
رجعته مجبور اولمشدر . بوندن صکره صر بلور کتد کچه کسب قوت
ایدوب مجلس تشکیل و یینلرندن مأمورلر نصب و تعیین ایتد که
باشملریله ۱۲۲۱ سندسی اوانلنده بالاده ذکر سی سبقت ایدن بوسنه
والیسی بکر پاشا و اشتودره والیسی ابراهیم پاشا قوه کافیه ایلله
اوزرلر یته سوق اولمش ایسه ده صر بلور خیلی ثبات کوسترمش